

MANUSIA YANG PALING AFDHAL

عَنْ أَبِي سَعِيدٍ الْخُدْرِيِّ رَضِيَ اللَّهُ عَنْهُ قَالَ قِيلَ: يَا رَسُولَ اللَّهِ، أَيُّ النَّاسِ أَفْضَلُ؟ فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: مُؤْمِنٌ يُجَاهِدُ فِي سَبِيلِ اللَّهِ بِنَفْسِهِ وَمَالِهِ، قِيلَ: ثُمَّ مَنْ؟ قَالَ: مُؤْمِنٌ فِي شِعْبٍ مِنَ الشَّعَابِ يَتَّقِي اللَّهَ وَيَدْعُ النَّاسَ مِنْ شَرِّهِ. (جواهر البخاري: 393)

Daripada Abu Sa'id Al-Khudri Radhiyallahu 'Anhu berkata, dikatakan: "Wahai Rasulullah, siapakah manusia yang paling utama?" Maka Rasulullah Shallallahu 'Alaihi Wassalam bersabda: "Orang Mukmin yang berjuang di Jalan Allah dengan jiwa dan hartanya." Dikatakan: "Kemudian siapa?" Baginda bersabda: "Orang Mukmin yang berada di celah perbukitan dengan bertaqwa kepada Allah dan meninggalkan manusia dari keburukannya." [Jawahir Al-Bukhari: 393]

PENGAJARAN HADITS

Manusia yang paling utama dan paling afdhal adalah orang yang berjuang pada Jalan Allah bagi menegakkan urusan Syari'at Allah dalam setiap cabang-cabangnya iaitu Imaniyyat, 'Ubudiyat, Mu'amalat, Munakahat, Mu'asyarat, Akhlaqiyyat dan Siyasat dengan diri dan harta yang Allah kurniakan kepadanya, dan Allah adalah lebih mengetahui siapakah yang berjuang pada JalanNya. Perjuangan jihad yang paling besar adalah berjuang menundukkan Nafsu yang mendorong kepada kejahatan dan keakuan diri.

Yang dimaksudkan dengan celah perbukitan adalah yang ada di antara dua gunung atau bukit. Kata-kata ini adalah suatu ungkapan, yang dimaksudkan dengannya ialah sunyi atau terpencil, dan setiap tempat yang jauh dari manusia adalah termasuk dalam pengertian ini. Hadits ini menunjukkan keutamaan bersunyi-sunyi atau memencilkan diri kerana akan terhindar dari mengumpat, mencaci-maki dan sebagainya. Menurut Jumhur 'Ulama, mempergauli manusia itu lebih baik dari memencilkan diri dengan bersandarkan pada sabdaan Rasulullah Shallallahu 'Alaihi Wasallam yang diriwayatkan oleh Tirmidzi:

"Orang Mukmin yang mempergauli manusia dan sabar terhadap hal-hal yang menyakitkan adalah lebih besar pahalanya dari orang yang tidak mempergauli manusia dan tidak sabar terhadap hal-hal yang menyakitkan daripada mereka."

JADUAL KULIAH MASJID JAMEK KG.NAKHODA

HARI	MASA/TARIKH	PENGAJAR
JUMAAT	KULIAH MAGHRIB – 23/5/2014	Ust. Wan Azhar Wan Ahmad
SABTU	KULIAH SUBUH – 24/5/2014	Ust. Che Nor Ismail
SABTU	KULIAH MAGHRIB – 24/5/2014	Ust. Ismail Abas
AHAD	KULIAH SUBUH – 25/5/2014	Ust. Fazlul Rahimi Maarof
AHAD	KULIAH MAGHRIB – 25/5/2014	Ust. Dr. Khoiruddin Mutain
ISNIN	KULIAH MAGHRIB – 26/5/2014	Ust. Ramli Abu Bakar
SELASA	KULIAH MAGHRIB – 27/5/2014	Ust. Shihabuddin Alang Mat Piah
RABU	KULIAH MAGHRIB – 28/5/2014	Ust. Dr. Saufi Man

JADUAL KULIAH MUSLIMAT MASJID JAMEK KG.NAKHODA

HARI	MASA/TARIKH	PENGAJAR
JUMAAT	3:00PM (23/5/2014)	Ustaz Imran Sharif – Darussamin
RABU	3:00PM (28/5/2014)	Ustaz Salehuddin Nasir – Sirah Nabi

DOA SELEPAS MENGAMBIL WUDHU

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ،
اللَّهُمَّ اجْعَلْنِي مِنَ التَّوَّابِينَ وَاجْعَلْنِي مِنَ الْمُتَطَهِّرِينَ وَاجْعَلْنِي مِنْ عِبَادِكَ الصَّالِحِينَ.

"Saya bersaksi bahawa tiada tuhan selain Allah yang Esa tiada sekutu bagiNya dan saya bersaksi bahawa Muhammad adalah Hamba Allah dan UtusanNya. Wahai Allah, jadikanlah saya dari kalangan orang-orang yang bertaubat dan jadikanlah saya dari kalangan orang-orang yang mensucikan diri dan jadikanlah saya dari kalangan Para HambaMu yang Shalihin."

Hadhrat 'Umar Ibni Al-Khatthab Radhiyallahu 'Anhu berkata bahawa Hadhrat Nabi Muhammad Rasulullah Shallallahu 'alaihi Wasallam telah bersabda bahawa, jika selesai salah seorang kamu dari Wudhu lalu membaca doa tersebut, maka akan dibukakan untuknya kelapan-lapan pintu Syurga yang dia boleh masuk dari pintu mana yang dia suka. [Tanbih Al-Ghafilin]

Mimbar Nakhoda ini diterbitkan secara mingguan oleh Biro Dakwah Amar Maaruf Nahi Munkar, Masjid Jamek Kampung Nakhoda, Jalan Nakhoda Tengah, 68100 Batu Caves, Selangor Darul Ehsan dengan kerjasama Naqsyabandi Akademi Quran Sunnah Hadits, Madrasah Ulul Azmi, Kampung Sepakat, Wira Damai, Batu Caves. Cetakan adalah terhad, maka digalakkan untuk difotostat dan diedarkan kepada orang lain, semoga Allah memberkati dan memberikan pahala yang berterusan, Amin.

Ketua Editor: Ust. Jalaluddin Ahmad Ar-Rowi
Penolong Editor: Sdr. Muhammad Taufiq

ALLAH TIDAK MEMPUNYAI RUPA PARAS DAN BENTUK, TIDAK BERJISIM DAN BERARAH

Al-Hafidhz Ahmad Ibni Al-Hussain Al-Baihaqi Rahmatullah ‘Alaih (w.458H) di dalam kitabnya *Al-Asma Wa Ash-Shifat*, halaman 296 menukulkan kata-kata Al-Hafidhz Al-Muhaddits Al-Faqih Abu Sulaiman Al-Khattabi Rahmatullah ‘Alaih:

“Sesungguhnya apa yang diwajibkan ke atas kita dan ke atas setiap orang Islam ialah mengetahui bahawa Tuhan kita tidak mempunyai rupa paras atau gambaran, kerana rupa paras atau gambaran membawa kepada Kaifiyyat Shifat Makhluq dan ia sebenarnya terafi daripada Zat Allah dan Shifat-shifatNya.”

Al-Imam Abu Ja’afar Ahmad Ibni Muhammad Ath-Thahawi As-Salafi Radhiyallahu ‘Anhu (227-321H) mengatakan:

“Maha Suci Allah daripada batasan (bentuk kecil mahupun besar, jadi Allah tidak mempunyai ukuran sama sekali), batasan akhir, sisi-sisi, anggota badan yang besar (seperti wajah, tangan, dan lainnya) mahupun anggota badan yang kecil (seperti mulut, lidah, anak lidah, hidung, telinga dan lain-lain). Dia tidak diliputi oleh enam arah penjuru (atas, bawah, kanan, kiri, depan dan belakang), tidak seperti MakhluqNya yang diliputi oleh enam arah penjuru tersebut.”

IMAM ABU AL-HASSAN AL-ASY’ARI TOKOH ISLAM

Beliau adalah Al-Imam Abu Al-Hassan ‘Ali Ibni Isma’il Ibni Abu Bisyr Ishaq Ibni Salim Ibni Isma’il Ibni ‘Abdullah Ibni Musa Ibni Bilal Ibni Abu Burdah Ibni Abu Musa Al-Asy’ari ‘Abdullah Ibni Qais Ibni Hadhar. Dilahirkan pada tahun 260 H di Bashrah, Iraq. Beliau dikenali dengan kecerdasannya yang luar biasa dan juga ketajaman pemahamannya. Beliau terkenal dengan sifat Qana’ah dan kezuhudannya.

Beliau pernah berpegang pada fahaman Muktazilah dan berguru kepada ayah tirinya iaitu Abu ‘Ali Al-Jubbai. Setelah berusia 40 tahun, beliau berfikir matang dan tekun mengkaji permasalahan ‘Aqidah secara mendalam.

Pada suatu hari, beliau telah berdebat dengan ayah tirinya dalam perkara mengenai kehidupan selepas mati. Selepas berdebat dengan ayah tirinya, beliau berucap di Masjid Bashrah lalu dia telah mengisytiharkan dirinya keluar daripada fahaman Muktazilah kerana tidak berpuas- hati dengan jawapan gurunya.

Beliau telah membuat suatu Tajdid pembaharuan dalam aliran ‘Aqidah Ahli Sunnah. Beliau telah mengemukakan hujjah-hujjah ‘Aqliyyah dengan logik akal serta teks-teks Nash Al-Quran dan Al-Hadits.

Hujjah-hujjah yang dikumpulkannya adalah cukup kuat bagi mematahkan hujjah-hujjah Muktazilah yang pesat berkembang pada masa itu. Beliau berjaya mengumpulkan ramai murid dan pengikut. Kemudian, lahirlah golongan Ahli Sunnah Wal-Jama’ah yang dikenali sebagai Asya’irah iaitu golongan yang mengikut fahaman Abu Al-Hassan Al-Asy’ari.

Aliran fahaman ‘Aqidah Asya’irah ini berkembang dengan pesatnya di Iraq, kemudian telah berkembang di Mesir pada zaman Salahuddin Al-Ayubi, di Syria dengan sokongan Nuruddin Zanki, di Maghribi dengan sokongan ‘Abdullah Ibni Muhammad, di Turki dengan sokongan Raja Kekhalifahan ‘Utsmaniyyah dan juga di daerah-daerah yang lain.

Pemahaman ‘Aqidah Asya’irah juga telah didokong oleh Para ‘Ulama dan sarjana di kalangan Mazhab Hanafi, Maliki, Syafi’i dan Hanbali.

فَخْرَتَيْنِ تَيْسِمُ دَانَ دَاسِرَ حَكُومِنَ

تَيْسِمُ اِيَالَه بَرَسُوچِي دَغْنِ تَانَه دَغْنِ چَارَا مِپَاڤُو مُوڪَا دَانَ كِدَوَا بِلَه تَاغْنِ دَغْنِ تَانَه يَغْ سُوچِي دَانَ دَسِرَتَائِي نِيَه. تَيْسِمُ

دَشَرِيْعَتَكُنْ بِرِدَاسِرَكُنْ الْقُرْآنَ، السَّنَةُ دَانَ الْإِحْمَاعِ. اللَّهُ تَعَالَى بِرَفْرَمَانِ دَالِمِ سُورَةِ النِّسَاءِ 43:

يَتْلُوهَا الَّذِينَ ءَامَنُوا لَا تَقْرَبُوا الصَّلَاةَ وَأَنْتُمْ سُكَرَىٰ حَتَّىٰ تَعْلَمُوا مَا تَقُولُونَ وَلَا جُنُبًا إِلَّا عَابِرِي سَبِيلٍ حَتَّىٰ تَغْتَسِلُوا وَإِنْ كُنْتُمْ مَرَضَىٰ أَوْ عَلَىٰ سَفَرٍ أَوْ جَاءَ أَحَدٌ مِنْكُم مِّنَ الْغَائِطِ أَوْ لَمَسْتُمُ النِّسَاءَ فَلَمْ يَجِدُوا مَاءً فَتَيَمَّمُوا صَعِيدًا طَيِّبًا فَامْسَحُوا

بُيُوتِهِمْ وَأَيْدِيَهُمْ إِنَّا اللَّهُ كَانْ غَفُورًا ۝۲۰

أَرْتَبِنَ: دَانَ جِيكَا كَامُو سَاكِيتْ اَتُو سَدَغْ دَالِمِ مَسَافِرِ اَتُو دَاتَغْ دَرِي تَمَقَّتْ بَوَاغْ اِيرِ اَتُو كَامُو تَلَه مِنتَهتَه فَرَمَقُوَانِ،

كَمُودِيْنِ كَامُو تِيْدَقْ مَنَدَقْتْ اِيرِ، مَاكْ بِرَتَيْمَلَه كَامُو دَغْنِ تَانَه يَغْ بَاتِيْقْ سُوچِي، سَاڤُولَه مُوڪَامُو دَانَ تَاغْنِمُو،

سَسُوغْكُوَهْنِ اللَّهُ مَهَا فَمَعَاڤْ لَاكِي مَهَا فَعْمَقُوْنِ.

لَفْظُ نِيَه تَيْسِمُ: نَوَيْتُ التَّيْمُمَ لِإِسْتِبَاحَةِ الصَّلَاةِ لِلَّهِ تَعَالَى،

أَرْتَبِنَ: "سَهَاجْ اِكُو بِرَتَيْمِمْ بَاكِي مَغْهَارُوسَكُنْ صَلَاةِ كِرَانَ اللَّهِ تَعَالَى."

چَارَا بِرَتَيْمِمُ: (1) تَقْوُقَكُنْ كِدَوَا—دَوَا بِلَه تَاغْنِ قَدْ دَبُو تَانَه. (2) نِيَه دَانَ سَاڤُوْكُنْ كِدَوَا—دَوَا بِلَه تَاغْنِ قَدْ تَاڤُقْ تَاغْنِ

كَمُوكَا دَرِي بِهَاكِيْنِ دَاهِي هِيْغَكَا كَبَاوَه دَاكُو. (3) تَقْوُقَكُنْ كِدَوَا—دَوَا بِلَه تَاغْنِ قَدْ دَبُو سَكَالِي لَاكِي.

(4) سَاڤُوْكُنْ تَاغْنِ كَانَنِ مُوَلَائِي دَرِي سِبَلَه بَلَاكَغْ جَارِي هِيْغَكَا كَسِيْكُو، كَمُودِيْنِ سَاڤُوْكُنْ تَرُوسْ دَرِي

بِهَاكِيْنِ قَلْبِيْتْ دَ لَغْنِ هِيْغَكَا فَرَكَلْغْنِ تَاغْنِ دَانَ بَلَاكَغْ اِيِيُو جَارِي، لَاكُوْكُنْ چَارَا يَغْ سَامْ قَدْ تَاغْنِ كِيرِي.

FADHILAT WUDHU

Allah Ta’ala berfirman dalam Surah Al-Baqarah ayat 222:

إِنَّ اللَّهَ يُحِبُّ التَّوَّابِينَ وَيُحِبُّ الْمُتَطَهِّرِينَ ﴿٢٢٢﴾

“Sesungguhnya Allah mengasihi orang-orang Yang banyak bertaubat, dan mengasihi orang-orang Yang sentiasa mensucikan diri.”

Abul-Laits As-Samarqandi Rahmatullah ‘Alaih meriwayatkan dengan sanadnya daripada Abu Hurairah Radhiyallahu ‘Anhu berkata, Nabi Shallallahu ‘Alaihi Wasallam bersabda: **“Sukakah saya tunjukkan kamu perbuatan yang dapat menghapus dosa dan menaikkan derajat?”** Jawab Shahabat: **“Baiklah Ya Rasulullah.”** Sabda Nabi Shallallahu ‘Alaihi Wasallam: **“Menyempurnakan Wudhu pada waktu-waktu dingin musim sejuk, dan sabar atas penderitaan, dan banyak melangkah ke Masjid, dan menantikan sembahyang sesudah sembahyang, maka itulah Ribath pertahanan dari musuh yang bererti sama dengan pahala orang bertahan di garisan hadapan menghadapi pihak musuh.”**